



**BARAZA LA WAWAKILISHI – ZANZIBAR**

**ORODHA YA SHUGHULI ZA LEO**

**BARAZA LA TISA LA WAWAKILISHI**

**MKUTANO WA KUMI**

**Kikao cha Saba – Tarehe 17 Mei, 2018.**

Kikao Kitaanza Saa 3.00 (Tatu) Asubuhi  
na Dua itasomwa.

**I. HATI ZA KUWASILISHA MEZANI:**

**Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:**

Hotuba ya Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa Mwaka 2018/2019.

**Mwenyekiti wa Kamati ya Sheria, Utawala Bora na Idara Maalum:**

Hotuba ya Maoni ya Kamati ya Sheria, Utawala Bora na Idara Maalum kuhusu Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa Mwaka 2018/2019.

**Mwenyekiti wa Kamati ya Kuchunguza na Kudhibiti Hesabu za Serikali (PAC):**

Hotuba ya maoni ya Kamati ya Kuchunguza na Kudhibiti Hesabu za Serikali (PAC) kuhusu Hotuba ya Ofisi ya Rais, Katiba, Sheria, Utumishi wa Umma na Utawala Bora (Bajeti ya Mdhibiti na Mkaguzi Mkuu wa Hesabu za Serikali) kwa Mwaka 2018/2019.

**II. MASWALI:**

**Ofisi ya Rais, Tawala za Mikoa, Serikali za Mitaa na Idara Maalum za SMZ:**

49. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Serikali inastahili pongezi kwa kuanzisha mfumo mpya wa usajili wa vyeti vya kuzaliwa pamoja na kifo hapa Zanzibar.

- (a) Kwa nini mfumo huo umeshindwa kufanya kazi ipasavyo na hatimae kupelekea kutopatikana kwa huduma hiyo takriban miezi minne sasa.
- (b) Je, Wizara ina mpango gani wa kullitua tatizo hilo ili kuwaondolea usumbufu wananchi wa kuja na kurudi bila ya huduma yoyote kupatikana.

**Ofisi ya Rais, Katiba, Sheria, Utumishi wa Umma na Utawala Bora:**

11. MHESHIMIWA JAKU HASHIM AYOUB (Jimbo la Muyuni) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Wakati Mheshimiwa Makamo wa Pili wa Rais akifunga Mkutano wa Tisa wa Baraza la Tisa la Wawakilishi alisema kuwa Serikali haitamvumilia mtu yeyote wa cheo chochote au hadhi yoyote ambaye atabainika kujihusisha na vitendo vya udhalilishaji watoto. Na kwa kuwa sheria ni msumeno na huku sheria mpya imeshapitishwa.

- (a) Je, ni watu wangapi ambao wanafahamika kwa vyeo vyao na hadhi zao ambao wanajihusisha na matendo ya udhalilishaji watoto wameshachukuliwa hatua.
- (b) Je, watuhumiwa wangapi wameshachukuliwa hatua tokea sheria mpya ya adhabu kupitishwa na Baraza hili.

## **Wizara ya Fedha na Mipango:**

2. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri ya Fedha na Mipango:

Kwa kuwa Serikali ya Mapinduzi ya Zanzibar kupitia Wizara ya Fedha na Mipango iliweka vipaumbele vyake 9 kwa mwaka 2017/2018 ambavyo itavitekeleza; ikiwemo kusimamia ulipaji wa madeni ya kiinua mgongo kwa wastaafu wa Serikali na kuimarisha mfumo wa ufuatiliaji wa mkakati wa maendeleo Zanzibar.

- (a) Je, hadi kufikia Disemba, 2017 ni wastaafu wangapi wameshalipwa na wangapi waliobakia ambao walistahiki kulipwa.
- (b) Je, ni kiasi gani cha fedha kimetumika katika kulipa malipo hayo na kiasi gani Serikali inadaiwa na wastaafu hao.
- (c) Je, mfumo wa kuimarisha ufuatiliaji umefikia katika hatua gani hadi kufikia Disemba, 2017, katika mkakati wa maendeleo wa Zanzibar.

8. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri ya Fedha na Mipango:

Kwa kuwa moja kati ya malengo ya Shirika la Bima ni kumrudisha mteja wao katika hali ya zamani mara baada ya kupata janga au ajali yoyote.

- (a) Je, ni ajali ngapi zilitokea kwa mwaka 2016/2017 na kuripotwa katika Shirika.
- (b) Je, ni ajali ngapi ziliweza kulipwa kwa wateja wao.
- (c) Je, ni kiasi gani kilitumika kulipia fidia hiyo.

**Wizara ya Elimu na Mafunzo ya Amali:**

42. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Elimu na Mafunzo ya Amali:

Kwa kuwa Skuli ya Konde Sekondari imekuwa na kilio cha muda mrefu cha uhaba wa madarasa kutokana na ongezeko kubwa la wanafunzi ambao zaidi hutoka skuli jirani.

- (a) Je, ni lini Wizara itaanza mpango wa ujenzi wa madarasa kwenye eneo lenye madarasa sita (6) yaliyojengwa kwa nguvu za wananchi, Halmashauri ya Wilaya ya Micheweni kwa kushirikiana na Wizara ya Elimu kuliondoa au kulipunguza tatizo la madarasa kwenye skuli hiyo.
- (b) Je, Wizara inautambua uzito wa tatizo la walimu kwenye skuli hiyo na lini italipatia ufumbuzi.
- (c) Je, ni lini Wizara itayakarabati madarasa yote yaliyojengwa kwa nguvu za wananchi kwa kuyawekea “*ceiling boards*”, plasta na milango madarasa hayo ili kudhibiti viti, meza n.k ambavyo havina uhifadhi kwa sasa.

**Wizara ya Ujenzi, Mawasiliano na Usafirishaji:**

202. MHESHIMIWA ALI SULEIMAN ALI (Jimbo la Kijitoupele) - Atamuuliza Waziri wa Ujenzi, Mawasiliano na Usafirishaji.

Kwa kuwa barabara ya Mwanakwerekwe - Fuoni, ina matatizo makubwa katika eneo la Mwanakwerekwe, hasa wakati wa mvua za masika kutokana na kujaa maji na vyombo vya usafiri kushindwa kupita katika eneo hilo, na kuleta usumbufu kwa wasafiri mbali mbali.

Je, Wizara ina mpango gani wa kuliondoa tatizo hilo la muda mrefu.

212. MHESHIMIWA JAKU HASHIM AYOUB (Jimbo la Muyuni) - Atamuuliza Waziri wa Ujenzi, Mawasiliano na Usafirishaji:

Mamlaka ya Usafiri wa Baharini ya Zanzibar (ZMA) imekua ikifanya shughuli zake mbali mbali kwa mujibu wa sheria kama vile usajili wa meli za nje ambao ulikuwa ukileta mapato makubwa nchini. Ni hivi karibuni SMT imezuwiza ZMA kusajili meli hizo wakati suala hilo lipo kwenye mamlaka ya Zanzibar.

- (a) Ni kiasi gani cha mapato ZMA na Zanzibar inapoteza tokea kuzuliwa kusajili meli za nje.
- (b) Kuna ukweli gani kuhusu sababu zilizotolewa na SMT kuhusu meli zinazosajiliwa na ZMA, Je SMZ imefanya utafiti wake kujuwa ukweli wa madai ya SMT.
- (c) Je, hatua gani stahiki zinachukuliwa na SMZ kuhakikisha kuwa Zanzibar inalinda maslahi yake katika suala hili.

**Wizara ya Afya:**

130. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Afya:

Baadhi ya madaktari hapa nchini wamekuwa wakiajiriwa bila ya kufanyiwa uhakiki wa kina kuhusiana na uwezo wao kitaaluma na kimaadili na hivyo kusababisha vifo au ulemavu ambao ungeweza kuepukwa endapo wangekuwa makini.

- (a) Je, upatikanaji wa daktari na wauguzi unategemea elimu yao tu bila ya kufanyiwa utafiti wa kupima imani ya kibinadamu na mambo mengine ya kimaadili.
- (b) Je, madaktari kama hao ambao wanafanya vitendo vya unyama kwa wagonjwa ama kwa makusudi au vyenginevyo hawafanyi wajibu wao ipasavyo, wanachukuliwa hatua gani.

**III. HOJA ZA SERIKALI:**

**Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:**

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa mwaka 2018/2019.

Zanzibar,  
17 Mei, 2018.

(Raya Issa Msellem)  
**KATIBU WA BARAZA.**